



陶淵明文集卷第六



記傳贊述

桃花源記并詩



晉太元中武陵人捕魚為業緣溪行忘路之遠近忽逢桃花林夾岸數百步中無雜樹芳華鮮美落英繽紛漁人甚異之復前行欲窮其林二盡水源便得一山山有小口髣髴若有光便捨舫沿口入初極狹纔通人復行數十步豁然開

陶集云

一

陳一

朗土地平曠屋舍儼然有良田美池桑竹之屬阡陌交通雞犬相聞其中往來種作男女衣著悉如外人黃髮垂髫並怡然自樂見漁人乃大驚問所從來具答之便要還家為設酒殺雞作食村中聞有此人咸來問訊自云先世避秦時亂率妻子邑人來此絕境不復出焉遂與外人間隔問今是何世乃不知有漢無論魏晉也一本有等此人一一為具言

所聞皆歎惋餘人各復延至其家皆出酒食停數日辭去此中人語一本無云

不足為外人道也既出得其船便扶一作

於向路處二誌之及郡下詣太守說如此太守即遣人隨其往尋向所誌遂迷

不復得路南陽劉子驥高尚士也聞之

欣然親往一本有遊未果尋病終後遂

無問津者焉二

詩

陶集六 二 原才

羸民亂天紀賢者避其世黃綺之高山

伊人亦云逝往跡寢復湮來逕遂蕪廢

相命肆農耕日入從所憩桑竹垂餘蔭

菽稷隨時藝春蠶收長絲秋熟靡王稅

荒路曖交通雞犬牙鳴吠俎豆猶古法

衣裳無新製童孺縱行歌班白歡遊一作

迎詣草榮識節和木衰知風厲雖無紀

屐誌四時自成歲怡然有餘樂于何勞

智慧竒蹤隱五百一朝敬神界溥薄既

異源旋復還幽蔽借問遊方士馬測塵
囂外宋本作塵外地願言躡輕風高舉尋吾契

晉故征西大將軍長史孟府
君傳

君諱嘉字萬年江夏鄂人也曾祖父宗
以孝行稱仕吳司空祖父捐元康中為
廬陵太守宗葬武昌新陽縣子孫家焉
遂為縣人也君少失父奉母二弟居娶
大司馬長沙桓公陶侃第十女閨門孝

友人無能間鄉閭稱之冲默有遠量弱
冠儔類咸敬之同郡郭遜以清操知名
時在君右常歎君温雅平曠自以為不
及遜從弟立亦有才志與君同時齊譽
每推服焉由是名冠州里聲流京邑太
尉穎川庾亮以帝舅民望愛分陝之重
鎮武昌并領江州辟君部廬陵從事下
郡還亮引問風俗得失對曰嘉不知還
傳當問從吏亮以麈尾掩口而笑諸從

事既去喚弟翼語之曰孟嘉故是盛德人也君既辭出外自除吏名便步歸家母在堂兄弟共相歡樂怡_二如也旬有餘日更版為勸學從事時亮崇修學校高選儒官以君望實故應尚德之舉太傅河南褚裒簡穆有器識時為豫章太守出朝宗亮正旦大會州府人士率多時彥君坐次甚遠裒問亮江州有孟嘉其人何在亮云在坐卿但自覓裒歷觀遂指君謂亮曰將無是邪亮欣然而笑喜裒之得君竒君為裒之所得乃益器焉舉秀才又為安西將軍庾翼府功曹再為江州別駕巴丘令江_二西大將軍譙國桓溫叅軍君色_{一作}和而正溫甚重之九月九日溫游龍山參佐畢集四弟_二甥咸在坐時佑吏並著戎服有風吹君帽墮落溫目左右及賓客勿言以觀其舉止君初不自覺良久如廁溫命取

以還之廷尉太原孫盛為諮議參軍時
在坐温命一作紙筆令嘲之文成示温

温以著坐處君歸見嘲笑而請筆作答
了不容思文辭超卓四座歎之奉使京
師除尚書刪定郎不拜孝宗穆皇帝聞
其名賜見東堂君辭以脚疾不任拜起
詔使人扶入君嘗為刺史謝永別駕永
會稽人喪亡君求赴義路由永興高陽
許詢有雋才辭榮不仕每縱心獨往客

居縣界嘗乘舩近行適逢君過歎曰都
邑美士吾盡識之獨不識此人唯聞中
州有孟嘉者將非是乎然亦何由來此
使問君之從者君謂其使曰本心相過
今先赴義尋還就君及歸遂止信宿雅
相知得有若舊交還至轉從事中郎俄
遷長史在朝墮然仗正順而已門無雜
賓常會神情獨得便超然命駕逆之龍
山顧景酣宴造夕乃歸温從容謂君曰

人不可無勢我乃能駕御卿後以疾終
於家年五十一始自總髮至于知命行
不苟合言不夸矜未嘗有喜愠之容好
酣飲逾多不亂至於任懷得意融然遠
寄傍若無人温嘗問君酒有何好而卿
嗜之君笑而荅曰明公但不得酒中趣
尔又問聽妓絲不如竹竹不如肉荅曰
漸近自然中散大夫桂陽羅含賦之曰
孟生善酣不憊其意光祿大夫南陽劉

耽昔與君同在温府淵明没父太常夔
常問耽君若在當已作公不荅云此本
是三司人為時所重如此淵明先親君
之第四女也凱風寒泉之思寔鍾厥心
謹按採一作採拾行事撰為此傳懼或乖繆
有虧大雅君子之德所以戰兢若
履深薄一作薄水云爾

贊曰孔子稱進德修業以及時也君清
蹈衡門則令問孔昭振纓公朝則德音

允集道悠運促不終遠業惜哉仁者必
壽豈斯言之謬乎

五柳先生傳

先生不知何許人也亦不詳其姓字宅
邊有五柳樹因以為號焉閑靖少言不
慕榮利好讀書不求甚解每有會意便
欣然忘食性嗜酒家貧不能常得親舊
知其如此或置酒而招之造飲輒盡期
在必醉既醉而退曾不吝情去留環堵

蕭然不蔽風日短褐穿結簞瓢屢空晏
如也常著文章自娛頗示已志忘懷得
失以此自終

贊曰黔婁有言不戚於貧賤不汲

於富貴極其言茲若人之儔乎酣觴賦

詩以樂其志

一作酒酣自得賦詩樂志

無懷氏之民

歟葛天氏之民歟

扇上畫贊

荷蓀夫人

長沮桀溺

於陵仲子 張長公

丙曼容 鄭次都

薛孟嘗 周陽珪

三五道邈淳風日盡九流參差牙相推
隕形逐物遷心無常準是以達人有時
而隱四體不勤五穀不舛超_二夫人日
夕在耘遠_二沮溺耦耕自欣入鳥不駭
雜獸斯羣至矣於陵養氣浩然蔑彼結
駟甘此灌園張生一仕曾以事還願我

陶集六

八

集子

不能高謝人間咎_二丙公望崖輒歸匪
驕匪去前路威夷鄭叟不合垂釣川湄
交酌林下清言究微孟嘗遊學天網時
踈眷言捨友振褐偕徂美哉周子稱疾
閑居寄心清尚悠然自娛翳_二衡門洋
洋泌流曰琴曰書顧眄有儔飲河既足
自外皆休緬懷千載託契孤遊

讀史述九章

余讀史記有所感而述之

夷齊

二子讓國相將海隅天人革命絕景窮
居采薇高歌慨想黃虞貞風凌俗爰感
懦夫

箕子

去鄉之感猶有遲二矧伊代謝觸物皆
非哀二箕子云胡能夷校僮之歌悽矣
其悲

管鮑

知人未易相知實難淡美初交利乖歲
寒管生稱心鮑叔必安竒情雙亮令名
俱完

程杵

遺生良難士為知己望義如歸允伊二
子程生揮劍懼茲餘耻令德永聞百代
見紀

七十二弟子

恂二舞雩莫曰匪賢俱映日月共浴至
言慟由才難感為情牽回也早夭賜獨

長年

屈賈

進德修業將以及時如彼稷契孰不頷
之嗟乎二賢逢世多疑候居寫志感鵬
獻辭

韓非

豐狐隱穴以文自殘君子失時白首抱
關巧行居灾收辯召一作招患哀矣韓生
竟死說難

陶集六

魯二儒

易代一作大易隨時迷變則愚介二若人特
為貞夫德不百年汙我詩書逝然不顧
被褐幽居

張長公

遠一作達哉長公蕭然何事世路多端皆
為我異一作偽而我獨異一作世路多斂轡竭來獨養其
志寢跡窮年誰知斯意

陶淵明文集卷第六

陶淵明文集卷第七

傳贊

天子孝傳

虞舜

夏禹

殷高宗

周文王

虞舜父頑母嚚事之於畎畝之間以孝
烝_二是以堯聞而授之富有天下貴為
天子以為不順於父母若窮而無歸惟
聞親可以得意苟違朝夕若嬰兒之思

陶集七

一

沈元

德故稱舜五十而慕書曰憂擊鳴球搏
拊琴瑟以詠祖考來格言思其來而訓
一作謂之愛敬盡於事親是以德教加於

百姓刑于四海夏禹有天下以奉宗廟
然躬自菲薄以厚其孝孔子曰禹吾無
間然矣菲飲食而致孝乎鬼神惡衣服
而致美乎黻冕禹之德於是稱聞聖人
之德無以加於孝敬孝敬之道美莫大
焉殷高宗諒陰三年不言百官總己而

聽於冢宰三年而後言天下咸歡德教
大行殷道以興詩曰一人有慶兆民賴
之其此之謂乎周文王之為世子也朝
於王季日三雞鳴至於寢門問於內豎
內豎曰安文王乃喜不安則色憂行不
能正履日中暮亦如之食上必視寒温
之節食下必問所膳而後退文王孝道
光大其化自近至遠刑于寡妻以教于
家邦故得萬國之歡心以事其先王矣

陶集七

二

元

贊曰

至哉后德聖劬自天陶渙致養菲薄饗
先親瘠色憂諒陰寢言一人有慶千載
賴旃

諸侯孝傳

周公旦

魯孝公

河間惠王

周公旦武王之弟成王幼少周公攝政
制禮作樂郊祀后稷以配天宗祀文王

於明堂以配上帝是以四海之內各以其職來祭詩曰於穆清廟肅雍顯相言諸侯樂其位而斂其事也仲尼曰孝莫大於嚴父嚴父莫大於配天則周公其人也貴而不驕位高彌謙自承文武之休烈孝道通于神明光被四海武王封之於魯備其禮樂以奉宗廟焉魯孝公之為公子周宣王問公子能道訓諸侯者立之樊穆仲稱其孝曰肅恭明神而斂事者老賦事行刑必問於遺訓咨於故實不干所問不犯所咨王曰然則能訓理其民矣乃命之於夷宮是為孝公夫宗廟致斂不忘親也有國不亦宜乎漢河間惠王獻王之曾孫也西京藩臣多驕放之失其名德者唯獻王而惠王繼之漢書稱其能脩獻王之行母薨服喪盡禮哀帝下詔書褒揚以為宗室儀表增封萬戶禮古之人皆然至於末俗

衰薄固已賢矣貴而率禮又難其見褒
賞不亦宜乎

贊曰

貴驕殊途不期而會周公勞謙乃成
先大二侯承魯遵儉去泰河間率禮漢宗
是賴

卿大夫孝傳

孔子

孟莊子

穎考叔

陶集七

四

小森

孔子魯人也入則事父兄出則事公卿
喪事不敢不勉故稱曰孝乎惟孝友于
兄弟是亦為政也君賜腥必熟而薦之
雖蔬食而齊祭如在鄉人儻朝服立於
阼階孝之至也至德要道莫大於孝是
以曾參受而書之游夏之徒常咨稟焉
許止不嘗藥書以殺父宰我暫言減喪
責以不仁言合訓典行合世範德義可
尊作事可法遺文不朽揚名千載孟莊

子魯人也孔子稱其孝其他可能也其不改父之政與父之臣是難能也夫孝子之事親也事亡如事存故當不義則爭之存所不爭則亡亦不敢改父之道猶謂之孝况終身乎穎考叔鄭人也莊公以叔段之故與母誓曰不及黃泉無相見也既而悔之考叔為封人聞之有獻於公公賜之食而舍肉公問之對曰小人有母未嘗君之羹請以遺之公曰汝有母遺繫我獨無考叔曰何謂也公語之故且告之悔考叔曰若掘地及泉隧而相見其誰曰不然公從之遂為母子如初君子曰穎考叔純孝也愛其母而施及莊公詩云孝子不匱永錫爾類其是之謂乎

贊曰

仁惟本悌聖亦基孝恂二尼父固天攸造專一作二子承親式禮遵諾永錫純懿

無改遺操

士孝傳

高柴

樂正子春

孔奮

黃香

高柴衛人也喪親泣血三年未嘗見齒
所謂哭不依言不文也為武城宰而化
行民有不服其親者改之行喪如禮君
子之德風也以身先之而民不遺其親
樂正子春魯人也下堂傷足既瘳數月

陶集七

六

卷七

不出猶有憂色曰吾聞之曾子父母全
而生之己全而歸之可謂孝矣故君子
一舉足一出言不敢忘父母不敢毀傷
孝之始也夫能敬慎若斯而災患及者
未之有也孔奮扶風人也少以孝行著
名州里供養至謹在官唯母極甘美妻
息菜食歷位以清夫人情莫不欲厚其
親然亦有分焉奮則難繼能致儉以全
養者鮮矣黃香江夏人也九歲失母思

慕骨立事父竭力以致養冬無被袴而
盡滋味暑則扇床枕寒則以身温席漢
和帝嘉之特加異賜歷位恭勤寵祿榮
親可謂夙興夜寐無忝爾所生者也

贊曰

顯允群士行殊名鈞咸能夙夜以義榮
親率彼城邑用化厥民忠以悟主其孝
乃純

庶人孝傳

陶集七

江革

廉範

汝郁

殷陶

江革齊人也漢章帝時避賊負母而逃
賊賢之不害而告其生路竭力傭賃以
致甘暖和顏悅色以盡歡心欲親之安
自挽車以行鄉人歸之號曰江巨孝位
至五官中郎將天子嘉焉寵遇甚厚告
歸詔書褒美就家禮其終身以顯異行
廉範京兆人也少孤十五入蜀迎父喪

遇石舡覆輓執骸

一作棺

而沒舡人救之

僅免於死遂以喪歸及仕郡掾太守於

危難送故盡節章帝時為郡守百姓歌

詠之夫孝者人之本教之所由生也是

以輓之臨危也勇宰民也惠能以義顯

也汝郁陳郡人也五歲母病不食郁亦

不食母憐之強食郁能察色知病輒復

不食族人号曰異童年十五著於鄉里

父母終思慕致毀推財與兄弟隱於草

澤君子以為難况童齒孝於自然可謂
天性也殷陶汝南人也年十二以孝稱
遭父憂率情合禮有長蛇帶其門舉家
奔走陶以喪柩在焉獨居廬不動親戚
扶持曉喻莫能移之啼號益盛由是顯
名屢辭辟命夫智者不惑勇者不懼陶
孝於其親而智勇並彰乎弱齡斯又難
矣

事親盡歡其難在色彼養以祿我養以
力義在一作存愛勗榮不假飾嗟爾衆庶
鑒茲前式

陶淵明文集卷第七



孫才

陶淵明文集卷第七

鑒茲前式

事親盡歡其難在色彼養以祿我養以
力義在一作存愛勗榮不假飾嗟爾衆庶
鑒茲前式

陶淵明文集卷第八

疏祭文

與子儼等疏

告儼俟佻佚終天地賦命生必有死自古聖賢誰獨能免子夏有言曰死生有命富貴在天四友之人一曰四友親受音旨發斯談者將非窮達不可妄求壽夭永無外請故邪吾年過五十少而窮苦每以家弊東西遊走性剛才拙與物多

陶集八

忤自量為己必貽俗患儻俛辭世使汝等勿而飢寒余嘗感鴉仲賢妻之言敗絮自擁何慙兒子此既一事矣但恨鄰靡二仲室無萊婦抱茲苦心良獨內愧少學琴書一作少來好書偶愛閑靜開卷有得便欣然忘食見樹木交蔭時鳥變聲亦復歡然有喜常言五六月中北牕下卧遇涼風暫至自謂是羲皇上人意淺識罕謂斯言可保日月遂一作逝往機巧好

踈緬求在昔眇然如何疾患以來漸就
衰損親舊不遺每以藥石見救自恐大
分將有限也汝輩稚小家貧每役柴水
之勞何時可免念之在心若何可言然
汝等雖不同生當思四海皆兄弟之義
鮑叔管仲分財無猜歸生伍舉班荆道
舊遂能以敗為成目喪立功他人尚爾
况同父之人哉潁川韓元長漢末名士
身處卿佐八十而終兄弟同居至于没

陶集八

二

徐才刀

齒濟北范稚春

南史作幼春
宋書作泥稚

晉時操行

人也七世同財家人無怨色

一作
辭

詩曰

高山仰止景行行止雖不能爾至心尚

善

一作之汝其慎哉吾復何言

祭程氏妹文

維晉義熙三年五月甲辰程氏妹服制

再周淵明以少牢之奠俛而酌

一作
裸之

嗚呼哀哉寒往暑來日月寢踈梁塵委

積庭草荒蕪寒二空室哀二遺孤有觴

虛莫人逝焉如誰無兄弟人亦同生嗟
我與爾特迫一作首常情慈妣早世時尚

孺嬰我年二六爾纔九齡爰從靡識撫

髻一作髻相成咨爾令妹有德有操靖恭

鮮言聞善則樂能止能和惟友惟孝行

止中閨可象可做我聞為善慶自己臨

彼蒼何偏而不斯報昔在江陵重罹天

罰兄弟索居乖隔楚越伊我與爾百哀

星切黯二高雲蕭二冬月白雲掩晨長

陶集八

風悲節感惟崩號興言泣血尋念平昔

觸事未遠書疏猶存遺孤滿眼如何一

往終天不返寂二高堂何時復踐藪二

孤女曷依曷恃二遊一作孤魂誰主誰

祀奈何程妹於此永已死如有知相見

萬里嗚呼哀哉

祭從弟勣遠文

歲在辛亥月惟仲秋旬有九日從弟勣

遠卜辰云窆永寧后土感平生之游靈

悲一往之不返情惻二以摧心淚愍二
而盈眼乃以園果時醪祖其將行嗚呼
哀哉於鑠吾弟有操有槩孝發幼齡友
自天愛少思寡欲靡執靡介後已先人
臨財思惠心遺得失情不依世其色能
溫其言則厲樂勝朋高好是文藝遙二
帝鄉爰感竒心絕粒委務考槃山陰淙
淙懸溜曖二荒林晨採上藥夕閑素琴
曰仁者壽竊獨信之如何斯言徒能見

欺年甫過立奄與世辭長歸蒿里邈無
還期惟我與爾匪但親友父則同生母
則從母相及亂齒並罹偏咎斯情實深
斯愛實厚念疇昔日同房之歡冬無緼
褐夏渴瓢箪相將以道相開以顏豈不
多乏忽忘飢寒余嘗學仕纏綿人事流
浪無成懼負素志斂策歸來爾知我意
常願攜手寘彼衆意一作宜每憶有秋
我將其刈與汝偕行舫一作舟同濟三

宿水濱樂飲川界靜月澄高
溫風始逝撫杯而言物久人
脆奈何吾弟先我離世事不
可尋思亦何極日徂月流寒
暑代息死生異方存亡有域
候晨永歸指塗載陟吟遺稚未
能正言哀二整人禮儀孔闕庭
樹如故齋宇廓然孰云劬遠
何時復還余惟人斯昧茲近
情著龜有告一作吉制我祖行
望旒翩二執筆涕盈神其有知
昭余中誠嗚呼哀哉

自祭文

歲惟丁卯律中無射天寒夜長風氣

一作

涼風

蕭索鴻鴈于征草木黃落陶子將辭

逆旅之館永歸於本宅故人懷其相悲

同祖行於今夕羞以嘉蔬薦以清酌候

頽已冥聆音愈漠嗚呼哀哉茫茫大塊

悠悠蒼旻是生萬物余得為人自余為

人逢運之貧簞瓢屢罄絺経冬陳含歡

谷汲行歌負薪醫二柴門事我宵晨春

秋代謝有務中園載耘載耔迺育迺繁
欣以素牘和以七弦冬曝其日夏濯其

泉勤靡餘勞心有常閑樂天委分以至

一作

百年惟此百年夫人愛之懼彼無

成惕日惜時存為世珍歿亦見思嗟我

獨邁曾是異茲寵非已榮涅豈吾淄摔

兀窮廬酣飲

一作歌

賦詩識運知命疇能

罔眷余今斯化可以無恨壽涉百齡身

慕肥遁從

一作以

老得終奚所復戀寒暑

陶集八

六

陳月

逾邁云既異存外姻晨來良友霄奔葬

之中野以安其魂宵

二

我行蕭

奢耻宋臣儉笑王孫廓兮已減慨焉已

遐不封不樹日月遂過匪貴前譽孰重

後歌人生實難死如之何嗚呼哀哉

陶淵明文集卷第八



陶淵明文集卷第九

集聖賢群輔錄上

明由曉升級宋均曰級等差政所先後也必育受稅

俗宋均曰受賦稅及成博愛古諸宋均曰古

等俟職也隕丘一作受延嬉嬉宋均曰延長

此錄也

右燧人四佐燧人出天四佐出洛

宋均曰出天所生也

金提一作主化俗宋均曰為民除災害也鳥明主

陶集九

建福宋均曰福視默主灾惡宋均曰為民除灾惡

也紀通為中職宋均曰為田主主內職也仲起為海

陸宋均曰主平陽侯為江海宋均曰主

本作江湖

右伏羲六佐六佐出世宋均曰密戲不及燧

風后受金法宋均曰金法言能決理是非也天老受天

籙宋均曰籙五聖受道級宋均曰級知

命受糾俗宋均曰糾窺紀受變復宋均曰

有禍變



能補復也

地典受州絡

宋均曰絡維絡也

力墨受準

斤

宋均曰準斤凡事也力墨或作力牧

右黃帝七輔州選舉翼佐帝德自

燧人四佐至七輔見論語摘輔象

重

該

脩

熙

右少昊四叔實能金木及水使重

為勾芒該為蓐叔脩及熙為玄冥

世不失職遂濟窮桑見左傳蔡墨

辭

陶集七

義仲

義叔

和仲

和叔

右義和四子孔安國云即堯之四

岳分掌四岳諸侯鄭玄云堯既分

陰陽為四時命義仲和仲羲叔和

叔等為之官又主方岳之事是為

四岳見鄭尚書注

伯夷為陽伯

樂舞瞽哉

棄為夏伯

樂舞侏離

義仲之後為羲

樂舞武漫哉

歌

伯

樂舞瞽哉

南陽

棄為夏伯

樂舞武漫哉

歌

字

羲叔之後為羲伯

樂舞將陽

各繇為

樂舞將陽

各繇為

樂舞將陽

各繇為

樂舞將陽

各繇為

樂舞將陽

各繇為

樂舞將陽

秋伯

樂舞蔡淑歌曰零落

和仲之後為和伯

歌曰歸來

垂為冬伯

樂舞丹鳳一曰齊落歌曰齊樂一曰縵揚

右八伯自羲和死後分置八伯舜

既即位元祀巡狩每至其方各貢

兩伯之樂大傳冬伯後闕一人鄭

玄云此上下有脫舜其說未聞十

有五祀後又百工相和而歌慶雲

八伯稽首而進者也見尚書大傳

謹堯

共工

鯀

三苗

周書九

三

右四凶

蒼舒

隕斨

檮杌

大臨

龙降

庭堅

仲容

叔達

右高陽氏才子八人齊聖廣淵明

允篤誠天下之民謂之八凱

伯奮

仲堪

叔獻

季仲

伯虎

仲熊

叔豹

季理

右高辛氏才子八人忠肅恭懿宣

慈惠和天下之民謂之八元從四

凶至此悉見左傳季文子辭

禹作司空

棄作稷

契作司徒

咎繇作士

益作朕虞

垂作共工

伯夷作秩宗

龍作納言

夔作典樂

右九官舜登帝位所選命見尚書

雄陶

方回

續牙

伯陽

東不訾

或不識

秦不虐

或不空

靈甫

右舜七友並為歷山雷澤之游戰

國策顏斶云堯有九佐舜有七友

陶集九

四

一

而尸子只載雄陶等六人不載靈

甫皇甫士安作逸士傳云視其友

則雄陶方回續牙伯陽東不訾秦

不空靈甫之徒是為七子與戰國

策相應

禹

稷

契

皋陶

益

右舜五臣見論語已列九官中

禹

稷

契

皋陶

伯夷

垂

益

夔

右八師見楚辭七諫

伯夷 禹 稷

右三后伯夷降典制民惟刑禹平水土主名山川稷降播種農植嘉穀三后成功惟殷于民漢太尉楊賜曰昔三后成功臯陶不與焉蓋各之也見尚書甫刑後漢書

微子 箕子 比干

右殷三仁論語曰微子去之箕子

陶集九

五

辰子

為之奴比干諫而死孔子曰殷有三仁焉

伯夷 太公

右二老尚書大傳曰太公避紂居東海之濱皆率其黨曰盍歸乎吾聞西伯昌善養老此二人者蓋天下之大老也往而歸之是天下之父歸之也天下之父歸之其子曷往孔融曰西伯以二老開王業

闕夭 太公望 南宮适 散宜生

右文王四友尚書大傳云闕夭南

宮适散宜生三子學于太公望望

曰冕乎西伯賢君也四子遂見西

伯於羹里孔子曰文王有四臣丘

亦得四友此四人則文王四隣也

伯達 且伯适 仲突 仲忽 叔夜

叔夏 季隨 季騮

右周八士見論語賈逵以為文王

陶集九

時鄭玄以為成王時也

伯邑考 武王發 管叔鮮

周公旦 蔡叔度 曹叔振鐸

霍叔武 邢叔處 康叔封

聃季載 一本無邢叔處有毛叔圉

右太姒十子太史公曰太姒十子

周以宗強見史記

周公旦 邵公奭 太公望

畢公 毛公 闕公

太顛

南宮适

散宜生

文母

大妣也

右周十亂見論語其四人已列四

友

秦公牙

吳班

孫尤

大夫冉贛

公子麋

右五王並能相焉尸子曰古有五

謂之王其貴之也

狐偃

趙衰

顛頡

南集九

七

七

魏武子

司空季子

右晉文公從云五人叔向曰三十

七年有士五人見左傳及晉太尉

劉琨詩曰重耳憑五臣

奄息

仲行

鍼虎

右三良子車氏之子秦穆公沒要

以從死詩人悼之為賦黃鳥見左

傳毛詩

子展賦草蟲

子罕

子西賦黍苗

子駟

子產賦隰桑子國公孫段賦桑扈子豐

子伯有賦鶉之賁賁子良孫子大

叔賦野有蔓草子游孫印段賦蟋蟀子張子

子印孫

右鄭七穆謂之七子鄭穆公子十

有一人罕駟豐印遊國良七人子

孫並有才名世任鄭國之政以免

晉楚之難謂之七穆叔向曰鄭士

穆氏其后三乎及諸侯為宋之盟

閩集九

八

范元

鄭伯享趙武于垂隴七卿皆從文

子曰七卿從君以寵武也請皆賦

以卒君貺亦以觀七子之志見左

傳又吳質書云趙武過鄭七子賦

詩

仲孫穀文伯子獻子莊子孝伯子懿子武伯叔孫得臣

莊叔子穆子昭子成季孫行父文子子武子悼子

平子桓

右魯桓公之曾孫世秉魯政號曰

三桓孔子曰三桓之子孫微矣見

論語左傳

趙無恤襄子

趙襄始為卿至無恤四世

范吉射昭子

士會始為卿至吉射五世

智瑤襄子

荀首始為至瑤六世

荀

寅文字

荀林父始為卿至寅四世

魏多

多襄子

多四世

韓不信簡子

韓厥始為卿至不信四世

右六族世為晉卿並有功名此六

人實弱晉國淳于越云卒有田常

六卿之臣劉向亦曰田常復見於

今六卿必起於漢見左傳史記漢

書

儀封人

荷蕢

晨門

楚狂接輿

長沮

桀溺

荷蓀丈人

一作伯夷叔齊虞仲

夷逸朱張柳下惠少連

右作者七人論語曰賢者避世其

次避地其次避色其次避言孔子

曰作者七人見包氏注董威贊詩

曰洋二乎盈耳哉而作者七人

德行 顏淵 閔子騫 冉伯牛

仲弓

言語 宰我 子貢

政事 冉有 季路

文學 子游 子夏

右四科見論語

顏回 子貢 子路 子張

右孔子四友文王有胥附奔奏先

後禦侮謂之四隣孟懿子曰夫子

蘭集九

一 卷末

亦有四隣乎子曰吾有四友焉自

吾得回門人益親是非胥附乎自

吾得賜遠方之士日至是非奔奏

乎自吾得師前有光後有輝是非

先後乎自吾得由惡言不至於門

是非禦侮乎見孔叢子

顏回 冉伯牛 子路 宰我 子貢

公西華

右六侍仲尼志意不立子路侍儀

服不脩公西華侍禮不習子貢侍
辭不辯宰我侍亡忽古今顏回侍
節小物冉伯牛侍曰吾以夫六子
自厲也見尸子

檀子

盼子

黔夫

種首

右齊威王疆場四臣齊威王與魏
惠王會田於郊魏王問威王曰王
有寶乎威王曰無有魏王曰若寡
人國雖小猶有徑寸之珠照前後

陶集九

十一

集十

車各十二乘者十枚奈何為萬乘
之國而無寶乎威王曰寡人之所
以為寶與王異吾臣有檀子者使
守南城則楚人不敢為寇東取泗
上十二諸侯皆來朝吾臣有盼子
者使守高唐則魏人不敢東漁於
河吾臣有黔夫者使守徐則燕人
祭北門趙人祭西門從而從之者
七十餘家吾臣有種首者使備盜

賊則道不拾遺以此為寶將以照
千乘宣直十二乘哉魏惠王慙不
懌而去見史記及春秋後語

齊孟嘗君田文魏信陵君无忌

趙平原君趙勝楚春申君黃歇

右戰國四豪見史記

太子少傅留文成侯韓張良

相國鄼文終侯沛蕭何

楚王淮陰侯韓信

陶集九

十二

集本

右三傑漢高祖曰此三人人之傑

也見漢書

園公姓國名秉字宣明陳留襄邑人常居園中故号園公見陳留志

綺里季姓崔名靡字少通齊人隱居修道号夏黃

角里先生公見崔氏譜

右商山四皓當秦之末俱隱上洛

商山皇甫士安云並河內軹人見

漢書及皇甫謐高士傳

太子太傅踈廣字仲翁宣帝本始四年魏相為御史大夫

夫薦廣於霍光時年六十七以元康三年告退年六十七

太子少傅踈受字公子廣兄子也

右二踈東海人宣帝時並為太子

師傅每朝太傅在前少傅在後朝

廷以為榮授太子論語孝經各以

老疾告退時人謂之二踈見漢書

重合令子輿居宋里櫟陽令子羽居東觀里

東海太守子仲居宜唐里兗州刺史子明

居西商里穎陽令子良居逐唐里

陶集九 十三 漢林

右郡決曹掾汝南周燕少卿之五

子號曰五龍各居一里子孫並以

儒素退讓為業天下著姓見周氏

譜及汝南先賢傳

龔勝字君賓龔舍字君倩或曰長倩

右並楚人皆治清節世號二龔見

漢書

唐林字子高唐尊字伯高

右並沛人亦以絮履著名於成哀

之世號為二唐比楚二醜後皆仕
王莽見漢書左思曰二唐絜已乃
黜及汙

平阿侯王譚 成都侯王商 紅陽侯
王章 曲陽侯王根 高平侯王逢時
右並以元后弟同日受封京師号
曰五侯並奢豪富侈招賢下士谷
永樓護皆為賓客時人為之語曰
谷子雲之筆扎樓君卿之唇舌言

出其門也見漢書張載詩曰富侈
擬五侯

北海逢萌字子康

北海徐房字平原

李曇字子雲

平原王遵字君公

右皆懷德穢行不仕亂世相與為
友時人号之四子見後漢書穉康
高士傳

求仲

羊仲

右二人不知何許人皆台車為業

上谷挫廉逃名世一作蔣元卿之去兗州

東陵還杜陵荆棘塞門舍中有三逕不

出惟二人從之游時人謂之二仲

見愁康高士傳

太傅高密元侯南陽鄧禹字仲華

大司馬廣平忠侯南陽吳漢字子顏

左將軍膠東剛侯南陽賈復字君文

建威大將軍好時愍侯扶風耿弇字伯

昭

陶集九

十五

元

執金吾雍奴威侯上谷寇恂字子翼

征西大將軍陽夏節侯潁川馮異字公

孫

征南大將軍舞陽壯侯南陽岑彭字君

然

征虜將軍潁陽成侯潁川祭遵字弟孫

太常靈壽侯信都邳彤字偉君

東郡太守東莞成侯鉅鹿耿純字伯山

上谷太守淮陰侯潁川王霸字元伯

左中郎將朗陵愍侯潁川臧宮字君翁
驃騎大將軍櫟陽侯馮翊景丹字孫卿
驃騎大將軍參蘧侯南陽杜茂字諸公
建義大將軍萬侯南陽朱祐字仲先
驃騎將軍慎靖侯南陽劉隆字元伯
揚武將軍全椒侯南陽馬成字君遷
大司空阜成侯漁陽王梁字君嚴
衛尉安城忠侯潁川鮑期字次况
左馮翊安平侯漁陽蓋延字巨卿

陶集九

一六

後書

捕虜將軍楊虛侯南陽馬武字子張
驍騎將軍昌城侯鉅鹿劉植字伯先
左將軍阿陵侯南陽任光字伯卿
豫章太守中水侯東萊李忠字仲都
左將軍槐里侯扶風萬脩字君游
琅邪太守祝阿侯南陽陳俊字子昭
積弩將軍昆陽威侯潁川傅俊字子衛
揚化將軍合肥侯潁川堅鐔字子伋
右河北二十八將光武所與定天

下見後漢書張衡東京賦云受錢

四七共工以除

武威太守梁統字仲寧

金城太守庫鈞字巨公

張掖太守史苞字叔文

酒泉太守竺曾字巨公

燁煌太守辛彤字大房

右河西五守是時更始已為赤眉

所害隗囂密有異志統等五人共

陶集九

十一

集十

推竇融為河西大將軍內撫吏民

外禦寇戎東伐隗囂歸心世祖克

建功業見後漢書及善文

太鴻臚韋孟達 上黨太守公孫伯達

河陽長魏仲達

右扶風平陵人同時齊名世号三

達孟達名彪丞相賢五世孫明帝

時人見漢書及决錄

光祿大夫周舉 光祿大夫杜喬

光祿大夫周栩 尚書藥巴

青州刺史馮羨 兗州刺史郭遵

太尉長史劉班 侍御史張綱

右八使漢順帝時政在權官官以

賄成周舉等議遣八使循行風俗

同日俱發天下号曰八使見張璠

漢紀

平輿令韋順字叔文 歷位樂平相去官以琴書自娛不應

三公之命後為平輿令吏民立祠社中

陶集九

十八 蘇才

順弟武陽令豹字季明 友人羅陵健為縣丞卒官喪柩

流離豹奔官致喪歸比辟公府輒奔去司徒劉愷尤豹之

豹弟廣都長義字季節 少好學不求榮利四十乃仕三

為令長皆有惠化以兄喪去官比辟公府不執廣都為立生祠焉

右清河太守韋文高之三子皆以

學行知名時人号韋氏三君見京

世舊事

楊震字伯起 以太常為司徒遷太尉

震子秉字叔節 以太常為太尉

秉子賜字伯獻

以光祿勳為公
再司徒一太尉

賜子彪字文先

以太中大夫為公
一司徒一太尉

右楊氏四公弘農華陰人自孝安

至獻帝七世父子以德業相繼為

三公見續漢書

袁安字邵公

以太僕為司
空遷司徒

安子敞字叔平

以光祿勳
為司空

敞子湯字仲河

以太僕為司
空遷司徒

湯子逢字周陽

以屯騎校
尉為司空

陶集九

十九

後序

逢弟隗字次陽

以太常為
司空太尉

右袁氏四世五公見續漢書

處士豫章徐稚字孺子

京兆韋著字休明

汝南袁闕字夏甫

壺城姜肱字伯淮

潁川李曇字子雲

右太傅汝南陳公時為尚書令與

諸尚書悉名士也共薦此五人時

五處士見續漢書及善文

周子居黃叔度艾伯堅鄧伯向

封武興盛孔叔

右汝南六孝廉太守李俵選此六

人以應歲舉受版未行俵死子居

等遂駐行喪俵妻於柩側下帷見

之厲以宜行子居歎曰不有行者

莫宣公不有止者莫卹居於是與

伯堅即日辭行封黃四人留隨柩

陶集九

二十

集

車見杜元凱女戒

大將軍槐里侯扶風平陵竇武字游平

天忠誠竇游平

太傅高陽鄉侯汝南平輿陳蕃字仲舉

天義府陳仲舉

侍中河間樂成劉淑字仲承

天德弘劉仲承

少傅潁川襄城李膺字元禮

天模楷李元禮

司空山陽高平王暢字叔茂

天英秀王叔茂

太僕潁川陽城杜密字周甫

杜周甫良輔

司隸校尉沛國朱寓字季陵

朱季陵

尚書會稽上虞魏朗字少英

魏少英

沛國潁陰荀翌字伯條

荀伯條

大司農博陵安平劉祐字伯祖

劉祐

祖

太常蜀郡成都趙典字仲經

趙仲經

右八俊

有道太原介休郭泰字林宗

郭林宗

陶集九

二十一

集十

太常陳留圉夏馥字子治

夏子治

尚書令河南鞏尹勳字伯元

尹伯元

河南尹太山平陽羊陟字嗣祖

羊嗣祖

祖

議郎東郡發劉儒字叔林

劉叔林

冀州刺史陳國項蔡衍字孟喜

項孟喜

喜

潁川太守渤海東城巴肅字恭祖

巴肅

祖

議郎南陽安衆宗慈字孝初天下通儒初

右八顧後漢書無劉儒有范滂

御史中丞汝南召陵陳翔字子鱗海內貴矜

陳子

衛尉山陽高平張儉字元節海內忠烈

太尉掾汝南細陽范滂字孟博海內謬范孟

博

蒙令山陽高平檀敷字文有海內通士

洛陽令魯國孔昱字世元海內才珍孔

陶集九

二十二 孫才

云世

太山太守渤海重合宛康字仲真海內彬二

宛仲真

太尉掾南陽棘陽岑暄字公孝海內好岑公

考

鎮南將軍荊州牧武城侯山陽高平劉

表字景升海內所稱

右八及後漢書無范滂有翟超

少府東萊曲城王商字伯義海內賢智

漢書作
王章

郎中魯國蕃嚮字嘉景海內修整

北海相陳留已吾秦周字平王海內貞良秦平

王

侍御史太山奉高胡毋班字季皮海內珍奇

胡毋季皮

太尉掾潁川陰劉翊字子相海內光相

冀州刺史東平壽張王考字文祖海內依恬

王文祖

陶集九

二十三

孫才

卓陳留相東平壽張張邈字孟卓海內嚴恪張孟

卓

荊州刺史山陽湖陸度尚字博平海內清明

度博平

右皆領財竭已解釋怨結拯救危

急謂之八厨後漢書無劉翊有劉儒

從三君至此並見三君八俊錄

太丘長潁川陳寔字仲弓

寔子大鴻臚紀字元方

紀第司空掾譙字季方

右並以高名號曰三君見甄表狀
及邯鄲淳紀碑

陶淵明文集卷第九

陶集九

二十四

壹

陶淵明文集卷第九

八世禪教論

本並以高名號曰三君見甄表狀

陶淵明文集卷第九

陶淵明文集卷第十

集聖賢羣輔錄下

太尉河南杜喬字叔榮

狀高治易尚書禮記春秋晚好

老子隱居不仕年四十為郡太常燉煌

工曹立朝正色有孔父之風張奐字然明

前後七徵十要三為邊將財貨於寶一無所取

王孫裸形宋中河內向詡字甫興

狀黃老古虛泊然肆志不慕時

倫積三十年太傅汝南陳蕃字仲舉

諤又曰明允貞亮與大將軍竇武志匡為羣邪所害

不密太尉沛國施延字君子

狀臨清公字元禮

狀膺象三公之後生高絮之門華夏高名

冠於搢紳司隸沛國朱寓字季陵

一人訪其中止無識知行狀者告本郡訪問者老識寓云桓帝時遭難無後

太僕潁川杜密字周甫

狀密清高雅達五郡恩

知機發於歧嶷時人名之曰窮神大鴻臚潁川韓融字元長

兄弟同居至於沒齒處卿相之位且二約十年奉身守司空潁川荀爽字慈明

年十二隨父在公府羣公卿校成丈人
也或遣進奏或親候從儒林歸伏究極

籍司空清河房植字伯武狀植少履清

歷位州郡政成化行既登三事靖恭
職雖季文相魯晏嬰在齊清風高節不

是過聘士彭城姜肱字伯淮狀肱稟履

純固事親至孝五十而慕學綜六
藝窳通究微行隆華夏名播四海太尉

下邳陳球字伯真狀球清高忠直孝靈

以此司空山陽王暢字叔茂狀暢雅性

文身居家在朝節行異倫徵士陳留申屠蟠字子龍

狀蟠年九歲喪父號泣過於成人未嘗
見齒每至父母亡日三日不食在塚側

陶集一

二

保二

致甘露不純年七十一終於家衛尉

絕俗大司農北海鄭玄字康成狀玄含海

體大雅之洪則學無常師講求道奧數
宣聖範錯綜其數作五經注義窮理盡

性徵士樂安冉瑋字孟玉狀瑋體清純

斯而行翦後十五辟皆不就除高唐令色
而舉時陳仲舉李元禮仲弓皆難其

高太尉漢中李固字子堅狀固當順桓

目大將軍梁冀惡直醜正宮有道太原

其道桓帝即位遂死於讒

郭泰字林宗狀泰器量弘深孝友貞固

禮命曾不旋軌辟司益州刺史南陽朱

穆字公叔狀初補中令政平民和有處子

賊之風上書陳尚書會稽魏朗字少英

損益鮮切情至尚書會稽魏朗字少英

朝忠謇正直之高亮幹輔國聘士豫章

徐稚字孺子狀稚妙德高偉清英超世

山棲養志浩然有夷齊度遼將軍安

皇甫規字威明狀規少術有岐嶷正直之

不能樂詩書右魏文帝初為丞相魏王所旌表

陶集一

卷十

二十四賢後明帝乃述撰其狀見

文帝令及甄表狀

太常燉煌張奐字然明為度遼將軍幽

之徵拜大司農賜錢除家一人為農

度遼將軍安定皇甫規字威明

太尉武威段熲字紀明

右凉州三明並著威名於桓靈之

世悉名士也見續漢書

韋權字孔衡弟瓚字孔玉

瓚弟矩字孔規

右太尉掾韋子才之三子皆修仁義兄弟孝友逢盜賊一人病不能去兄弟相慕兵至俱死時人稱之

号韋三義見三輔决録

荀儉

字伯慈

漢侍中

儉弟緄字仲慈

濟南

相漢光祿大夫或緄弟靖字对慈或問
之父年六十六賢助曰二人皆玉也慈明
許助靖爽孰潤靖隱身俯學動必以禮
外朗叔慈內就 靖弟壽字慈光舉孝廉
年七十五就 就 就 就 就 就 就 就 就 就

陶集十

長十

第汪字孟慈

昆陽令

汪弟爽字慈明

公

徵為平原相

遷光祿勳司空

出自巖

爽

第肅字劭慈

守舞陽令

肅弟勇字幼慈

司徒掾

右朗陵令潁川荀季和之八子並

有德業時人号之八龍居西豪里

勃海宛康知名士也時為潁陰令

美之曰高陽氏才子八人遂改所

居為高陽里見張璠漢紀及荀氏

譜

公沙紹字子起

紹弟孚字允慈

北海

者舊傳稱浮與荀爽共約出不得事貴勢而爽當董卓時脫巾未百日位至司空後相見以爽違約割席而坐

孚弟恪字允讓

恪弟達字義則

達弟樊字義起

右北海公沙穆之五子並有令名

京師号曰公沙五龍天下無雙穆

亦名士也見魏明帝甄表狀及後

漢書

陶集十

五

集十

膠東令盧記昭字興先

樂城令剛

戴祁字子陵

潁陰令剛徐晏字孟

平

涇令盧夏隱字叔世

州別

駕蛇丘劉彬字文曜

世一云州

右濟北五龍少並有異才皆稱神

童當桓靈之世時人号为五龍見

濟北英賢傳

孝廉杜陵金敞字元休

州刺史

上計掾

長陵第五巡字文休

興先之子興先名種司空伯魚之孫

名士也不詳
兩至時辟太尉掾
上計掾杜陵韋端字

甫休

位至涼州
牧太尉

右同郡齊名時人号之京兆三休

並以光和元年察舉見三輔决錄

晉宣帝河南司馬懿字仲達

魏司空潁川陳羣字長文

中領軍譙朱鑠字彥才

侍中濟陰吳質字季重

右魏文帝四友見晉紀

陶集一

魏步兵校尉陳留阮籍字嗣宗

中散大夫譙懿康字并夜

晉司徒河内山濤字巨源

建威參軍沛劉伶字伯倫

始平太守陳留阮咸字仲容

籍兄子

散騎常侍河内向秀字子期

司徒琅邪王戎字濬冲

右魏嘉平中並居河内山陽共為

竹林之游世号竹林七賢見晉書

魏書袁宏戴逵為傳孫統又為讚

吳範相風吳人劉惇占氣河內人趙達筭河內人

皇象書廣陵人嚴子卿棊名昭武衛尉峻從子宋

壽占夢十一不曹不興畫為孫權畫屏風筆墨悞黜因以

為蠅後張御坐權以為真也孤城鄭姥相

見王燭手繫於童賤謂仕必

右吳八絕見張勃吳錄

陳留董昶字仲道琅邪王澄字平子

陳留阮瞻字千里一云阮八百即瞻弟

陶集十

七 丁振

瞻故大將軍王敦云方穎川庾凱字子嵩

陳留謝鯤字幼輿太山胡毋輔之字

彥國沙門于法龍樂安光逸字孟

祖

右晉中朝八達近世聞之故老

裴徽字文秀魏冀州刺史裴楷字叔則徽弟

裴綽字季舒楷弟長裴瓚字國

寶楷子中裴邈字景初楷孫欽子太裴

遐字叔道瓚子太裴康字仲豫徽弟二

左 裴頡字逸民 晉尚書僕射

王祥字休徵 晉太 王戎字濬冲 父渾涼州刺史

祥族子 王澄字平子 行弟裴綽女 王導 從弟丞相

字茂弘 覽孫裁子 王綏字萬子 戎子

裴康女壻 王衍字夷甫 父又平北將軍 王敦 戎從弟太尉

字處仲 覽孫基弟二 王玄字眉子 行子陳留

史內 右河東八裴琅邪八王聞之於故

老

陶集十

才英

魏司空王昶字文舒 昶子汝南太守

湛字處冲 湛子東海內史承字安期

承子驃騎將軍述字懷祖 述子安北

將軍坦之字文度 魏尚書僕射杜畿

字伯侯 畿子幽州刺史恕字務伯

恕子鎮南將軍預字元凱 預子散騎

常侍錫字世嘏 錫子光祿大夫又字

弘治 右太原王京兆杜各稱五世盛德

聞之於故老凡書籍所載及故老
所傳善惡聞於世者蓋盡於此矣
漢稱田叔孟舒等十人及田橫兩
客魯八儒史並失其名夫操行之
難而姓名翳然所以撫卷長慨不
能已已者也

八儒

二子沒後散於天下設於中國成百氏
之源為綱紀之儒居環堵之室草門圭

陶集一

九

白雲金

竇甕牖緇樞併日而食以道自居者有
道之儒子思氏之所行也衣冠中動作
順大讓如慢小讓如偽者子張氏之所
行也顏氏傳詩為道為諷諫之儒孟氏
傳書為道為踈通致遠之儒漆雕氏傳
禮為道為恭儉莊劭之儒仲梁氏傳樂
為道以和陰陽為移風易俗之儒樂正
氏傳春秋為道為屬辭比事之儒公孫
氏傳易為道為潔淨精微之儒

不累於俗不飾於物不尊於名不悅於
衆此宋劔尹文之墨裘褐為衣跣蹻為
服日夜不休以自苦為極者相里勤五
侯子之墨俱稱經而背謫不同相謂別
墨以堅白此苦獲已齒鄧陵子之墨
靖節徵士誄

宋金紫光祿大夫贈特進顏延年

夫璿玉致美不為池隍之寶桂椒信芳

而非園林之寶豈其樂深而好遠哉蓋
云殊性而已故無足而至者物之藉也
隨踵而立者人之薄也若乃巢由之抗
行夷皓之峻節故已父老堯禹錙銖周
漢而繇世寢遠光靈不屬至使菁華隱
沒芳流歇絕不亦惜乎雖今之作者人
自為量而首路同塵輟塗殊軌者多矣
豈所以昭末景泛波乎有晉徵士潯
陽陶淵明南岳之幽居者也弱不好弄

長實素心學非稱師文取指達在衆不
失其寡處言每見其嘿少而貧苦

一作病

居無僕妾井曰弗任藜藿不給母老子

幼就養勤置遠惟田生致親之議追

一作

近悟毛子捧檄之懷初辭州府三命後

為壺澤令道不偶物棄官從好遂乃解

體世紛結志區外定迹深棲於是乎遂

遠一作灌畦鬻蔬為供魚菽之祭織絢緯

蕭以充糧粒之費心好異書性樂酒德

陶集十

十一

卷七

簡棄煩促就成省曠殆所謂國爵屏貴

家人忘貧者歟有詔徵著作郎稱疾不

赴春秋六十有三元嘉四年月日卒於

潯陽縣之某里

一作柴桑里

近識悲悼遠士

傷情冥默福應嗚呼淵貞夫實以誅華

名由謚高尚允德義貴賤何筭焉若其

寬樂令終之美好廉克己之操有合謚

典無愆前志故詢諸友好宜謚曰靖節

徵士其詞曰

物尚孤特

一作特

生人固介立豈仰時違曷

云世及嗟乎若士望古遙集韜此洪族
蔑彼名級睦親之行至自非敦然諾之
信重於布言廉深簡絜貞夷粹溫而
能峻博而不繁依世尚同詭時則異有
一於此而兩一作兩非默置豈若夫子回心
違事達理作畏榮好古薄身厚志世霸虛
禮州壤推風孝惟義養道必懷邦人之
秉彛不隘不恭爵同下士祿等上農度

陶集十

十一

量難鈞進退可限長卿棄官稚賔自免
子之悟之何悟之辯賦辭歸來高蹈獨
善亦既超曠無適非心汲流舊巘葺宇
家林晨煙暮靄春煦秋陰陳書綴卷置
酒絃琴居備勤儉躬兼貧病人否其憂
子然其命隱約就閑遷延辭聘非直也
明一作明也是惟道性糾纏幹流冥漠報施
孰云與仁實疑明智謂天蓋高胡譽斯
義履信曷憑思順何寘年在中身亦病

瘖疾視化如歸臨凶若吉藥劑弗嘗禱
祠非恤倭幽告終懷和長畢嗚呼哀哉

勸述清

一作靖

節式遵遺占存不願豐沒

無求贍省訃却賻輕哀薄斂遭壤以穿
旋葬而窆嗚呼哀哉深心追往遠情逐
化自爾介居及我多暇伊好之洽接閭
隣舍宵盤晝態非舟非駕念昔宴私舉
觴相誨獨正者危至方則礙指人卷舒
布在前載取鑑不遠吾規子佩爾寔愀

陶集十

十三

卷十

然中言而發遺衆速尤迕風先蹶身才
非實榮聲有歇微一作徽音永矣誰箴余
闕嗚呼哀哉仁焉而終智焉而斃黔婁
既沒展禽亦逝其在先生同塵往世旌
此靖節加彼康惠嗚呼哀哉

傳

昭明太子

陶淵明字元亮或云潛字淵明潯陽柴
桑人也曾祖侃晉大司馬淵明少有高
趣博學善屬文穎脫不羣任真自得嘗

著五柳先生傳以自況曰先生不知何許人也亦不詳姓字宅邊有五柳樹

無樹

曰以為號焉閑靜少言不慕榮利

本

好讀書不求甚解每有會意欣然忘食性嗜酒而家貧不能恒得親舊知其如此或置酒招之造飲輒盡期在必醉既醉而還曾不怡情去留環堵蕭然不蔽風日短褐穿結簞瓢屢空晏如也嘗著文章自娛頗示已志忘懷得失以此自

陶集一

十四

序

終時人謂之實錄親老家貧起為州祭酒不堪吏職少日自解歸州召主簿不就躬耕自資遂抱羸疾江州刺史檀道濟往候之偃卧瘠餒有日矣道濟謂曰賢者處世天下無道則隱有道則至今子生文明之世奈何自苦如此對曰潛也何敢望賢志不及也道濟饋以梁肉麾而去之後為鎮軍建威叅軍謂親朋曰聊欲弦歌以為三徑之資可乎執事

者聞之以為彭澤令不以家累自隨送一力給其子書曰汝旦夕之費自給為難今遣此力助汝薪水之勞此亦人子也可善遇之公田悉令吏種秫曰吾常得醉於酒足矣妻子固請種秔乃使二頃五十畝種秫五十畝種粳歲終會郡遣督郵至縣吏請曰應束帶見之淵明歎曰我豈能為五斗米折腰向鄉里小兒即日解綬去職賦歸去來徵著作郎

陶集一

十五

蘇才

不就江州刺史王弘欲識之不能致也淵明嘗往廬山弘命淵明故人龐通之齋酒具於半道栗里之間邀之淵明有脚疾使一門生二兒昇一作舉籃輿既至欣然便共飲酌俄頃弘至亦無迂也先是顏延之為劉柳後軍功曹在潯陽與淵明情款後為始安郡經過潯陽日造淵明飲焉每往必酣飲致醉弘欲邀延之坐一作坐彌日不得延之臨去留二萬

錢與淵明淵明悉遣送酒家稍就取酒
嘗九月九日出宅邊菊叢中坐久之滿
手把菊忽值弘送酒至即便就酌醉而
歸淵明不解音律而蓄無絃琴一作無絃素琴
一張每酒適輒撫弄以寄其意貴賤造
之者有酒輒設淵明若先醉便語客我
醉欲眠卿可去其真率如此郡將常候
之值其釀熟取頭上葛巾漉酒漉畢還
復著之時周續之入廬山事釋惠遠彭

城劉遺民亦遁迹匡山淵明又不應徵
命謂之潯陽三隱後刺史檀韶苦請續
之出州與學士祖企謝景夷三人共在
城北講禮加以讎校所住公廨近於馬
隊是故淵明示其詩云周生述孔業祖
謝響然臻馬隊非講肆校書亦已勤其
妻翟氏亦能安勤苦與其同志自以曾
祖晉世宰輔恥復屈身後代自宋高祖
王業漸隆不復肯仕元嘉四年將復徵

命會卒時年六十三世號靖節先生

陶淵明文集卷第十



江右方又新
又可全刻字

陶集十

十七

江右方又新
又可全刻字

陶淵明文集卷第十



命會卒時年六十三世號靖節先生

北齊楊休之序錄

余覽陶潛之文辭采雖未優而往往有
奇絕異語放逸之致棲托仍高其集先
有兩本行於世一本八卷無序一本六
卷并序目編比顛亂兼復闕少蕭統所
撰八卷合序目傳誅而少五孝傳及四
八目然編錄有體次第可尋余頗賞潛
文以為三本不同恐終致忘失今錄統
所闕并序目等合為一秩十卷以遺好

事君子

陶集一

十八

金臺

本朝宋丞相私記

右集按隋經籍志宋徵士陶潛集九卷
又云梁有五卷錄一卷唐志陶泉明集
五卷今官私所行本凡數種與二志不
同有八卷者即梁昭明太子所撰合序
傳誅等在集前為一卷正集次之亡其
錄有十卷者即楊僕射所撰按休之字
齊為尚書左僕射以好學
文藻知名與魏收同時按吳氏西齋

錄有宋彭澤令陶潛集十卷疑即此也
其序并昭明舊序誄傳等合為一卷或
題曰第一或題曰第十或不署於集端
別分四八目自甄表狀杜喬以下為第
十卷然亦無錄余前後所得本僅數十
家卒不知何者為是晚獲此本云出於
江左舊書其次第最若倫貫又五孝傳
已下至四八目子注詳密廣於他集惟
篇後八儒三墨二條此似後人妄加非

陶公本意且四八目之末陶自為說曰
書籍所載及故老所傳善惡聞於世者
蓋盡於此即知其後無餘事矣按四八
目例每
一事已陶
即具疏所
聞或經傳
所出以
結前意此
二條既無
後說蓋知
贊附之
妄故今不著輒別存之以俟博聞者廣

平宗庠私記

書靖節先生集後

梁鍾記室嶸評先生之詩為古今隱逸
詩人之宗今觀其風致孤邁蹈厲淳源

又非晉宋間作者所能造也昭明太子
舊所纂錄且傳寫浸訛復多脫落後人
雖加綜緝曾未見其完正愚嘗採拾衆
本以事讎校詩賦傳記贊述雜文凡一
百五十有一首洎四八目上下二篇重
條理編次為一十卷近永嘉周仲章太
守枉駕東嶺示以

本朝宋丞相判定之本於疑闕處甚有
所補其楊僕射序錄宋丞相私記存于

南集一

二

正集外以見前後記錄之不同也時皇
宋治平三年五月望日思悅書

靖節先生江左偉人世高其節先儒謂
其最善任真者方其為貧也則求為縣
令仕不得志也則掛冠而歸此所以為
淵明設其詩文不工猶當敬愛況如渾
金璞玉前賢固有定論耶僕近得先生
集乃群賢所校定者因鋟于木以傳不朽
云紹興十年十一月 日 書

